

700.000 EUR za partnerstva u oblasti tehnoloških inovacija

[Na hibridnom događaju](#) koji je pratilo više od **230 online učesnika i učesnica iz regiona i 9 medijskih kuća**, 7. februara, svečano je otvoren [Prvi poziv za podnošenje prijedloga projekata za pružanje podrške inovativnim tehnološkim projektima](#) primjenjivim u industriji kroz javno-privatna i privatno-privatna partnerstva između industrije, udruženja, poslovnih mreža i institucija za istraživanje i razvoj u implementacija mjera usmjerenih na tehnološku transformaciju malih i srednjih preduzeća u cilju podrške njihovom rastu i primjeni njihovih inovativnih rješenja.

Poziv za koji ukupan budžet iznosi **700.000,00 EUR**, fokusiran je na transfer znanja i razmjenu sa organizacijama za istraživanje i razvoj (Research & Development) iz zemalja Zapadnog Balkana i nastojanje je projekta [EU4DigitalSME](#) koji sufinansiraju Evropska unija i Ministarstvo za ekonomski razvoj i saradnju SR Njemačke (BMZ), a implementira GIZ, da poveća kapacitet BiH u **podrsci razvoju privatnog sektora kroz inovacije i digitalizaciju**.

Zainteresirani kandidati i kandidatkinje pozvani su da prisustvuju online sesijama koje će biti održane **14. i 16. februara 2023. godine u 12:00 sati**. Linkovi na kojima možete prisustvovati info sesijama koje će voditi Snežana Tomašević, grant menadžerica u GIZ-u, su:

- [Info sesija \(14.02.2023.\)](#)
- [Info sesija \(16.02.2023.\)](#)

Tomašević je na otvaranju Javnog poziva istaknula da očekuje da će na ovaj način biti uspostavljena saradnja između privatnog sektora i akademije:

„Od poziva očekujemo da se uspostavi saradnja između privatnog sektora i akademije. Očekujemo da ćemo imati minimalno 7 projekata saradnje između privatnog i akademskog sektora. Također, očekujemo da će bar 5 ovih projekata imati uspostavljenu saradnju sa drugim zemljama Zapadnog Balkana, s obzirom na naš cilj uvezivanja. Vjerujemo da će svaki od ovih projekata generisati minimalno jedno inovativno rješenje, čime bi se osigurala konkurenstnost, rast i otvorenost ka inovacijama kompanija. Rodna ravnopravnost će biti protkana kroz priču, naime očekujemo da će najmanje 30 posto članova tima biti žene“, istaknula je Tomašević.

Prisutnima su se na otvaranju Javnog poziva obratili i **Gilles Rebattet, šef sekcije operacija za ekonomski razvoj, prirodne resurse, infrastrukturu pri Delegaciji EU u BiH**, te **Eva Näher, direktorica programa u GIZ-u**. Rebattet je, između ostalog, istaknuo koliko je, u procesu digitalizacije i inovacije u Bosni i Hercegovini važno uključiti akademsku zajednicu, dok je gospođa Näher, napomenula da inovacije i digitalizacija mogu učiniti poslovanje malih i srednjih preduzeća konkurentnijim. Više o tome u tekstu [EU Delegacija i GIZ otvorili Javni poziv za partnerstva u oblasti tehnoloških inovacija](#). Ukoliko ste zainteresirani:

- [Informirajte se o Javnom pozivu](#), pronađite korake za apliciranje i odgovore za najčešća pitanja.
- Pridružite se info sesijama i aplicirajte do **10. marta 2023. godine**.

Vrijednost projekta “EU4DigitalSME” iznosi 6.1 miliona eura, od čega je Evropska unija obezbijedila 5 miliona eura, a Savezna Republika Njemačka 1,1 miliona eura. Projekat traje do 2024. godine, a provodi ga Deutsche Gesellschaft für Internationale Zusammenarbeit (GIZ) GmbH.

